

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600 SP Hotline Number 7085-256-377



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Hmasawanna Thar Vol - 32/220

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy



Kourtney-in an Nauhai Scot-in a hmu Khap-P4

NEC Tech Engineer in Parbung playground bawlna ding a enfel



CCPUR: North Eastern Council (NEC) a Technical Engineer Shri Haridosh chun May 27, 2017 khan Parbung playground Mini Stadium bawlna ding a hmuna a zu enfel a. Hi huna hin an hmatienga sin tan nghal dingin MTDC Engineer Pu Lalropar an hrietir nghal bawlna niin ei thu dawngna chun a hril.

mipui aiawin ngenna a siem. Playground (mini stadium) bawlna sumpeng ding ennawn a ni hnungin Rs. 356,08000/- senga bawlna dinga riruong niin ei thu dawngna chun a hril a, hi thil puitling theina dinga a t ul anga bawzui puituhai chu HSA, office le lekha ramtin tlanawn puitu Dr. John H Pulamte, Pu Hrilsangmawi, Imphal, technical tieng pangah Pu Samuel Lalropar, Imphal, sawrkar tieng le NEC tiengpanga theitawp lo suotu Pi Sherry Lalthangzo, IES le a pasal Pu Challien Songate, IRS hai an nih.

GST hin ei State pumpui resource a sukpong ding a nih: Dy. CM June 2-in Manipur Assembly-a putlut, July 1-in India pumpuia hmang tan ding

IMPHAL: Sawrkar thlungpui NDA sawrkarin India ram state po po inkhuongruol taka sie (tax) lak na state hausa le retheihai inruol taka sum an hmun theina ding lampui a duong, Goods and Service Tax (GST), state tin lo ena hmang seng dinga a ti chu Manipur khawmin ei hmang ve phat chu state resources (hausakna) a pung ding a nih tiin Dy. Chief Minister Mr Y. Joykumar chun zanita Awareness Campaign of Goods & Service Tax, Manipur State Film Development Society Auditorium, Palace Compound, Imphal-a an neina huna a hril.

Mr Y. Joykumar chun, hi tax lakna ding dan thar, July 1 a inthawka India ram pumpuia hmang tan tah ding hi, Manipur khawmin nasatakin a hlawkpui ding a nih, tiin a hril.



Dy CM chun, "Uniform tax collection system hin tu taka tax collection inruol lo tak hi a sukrul chauh bakah, state revenue lut tha naw tak le karawng umhai hi a hrubak bawng ding a nih. GST hin tax danghai po po khawm a huom sa vawng tah ding a nih bakah consumer-based tax transparent tak a nih leim mipuihai ei hlawkpui lem ding a nih" tiin a hril.

hi GST Council 15th Meeting, June 2-3, New Delhi ah la hritllang nawk a nih ding niin a hril.

hi GST Council 15th Meeting, June 2-3, New Delhi ah la hritllang nawk a nih ding niin a hril.

& Service Tax), Shillong Zone, Mr SK Panda chun, GST hi India independent a ni hnunga uniform tax lakna umsun le hmasatak a la nih ding a nih, tiin a hril a. Commissioner (Finance) Mr VK Dewangan chun, Manipur Assembly-in hi Bill hi a pass ve phat chu GST pawm state hung nih tang a ta. District level tina hai khawm awareness campaign la nei pei ning a tih, tiin a hril.

Cyclone 'MORA' in Hmarsakbiel khawm a nuoi el theia hril; Mitin chiai loa fimkhur dinga inhrietir



NEW DELHI: Meteorological Department in inhrietirma a siem dungzui-in Bay of Bengal tuipua inthawk thlisie a hung hrang tan mek a, zani zan khan thlipui hrat takel a hung hrang ring a ni thu a hril a. May 30 le 31 hai hin India hmarsakbiel Nagaland, Manipur, Mizoram le Tri-

Department Director KJ Ramesh chun, thlisie

State Emergency Operation Centre chun district Administrations hai chu hi kawnga hin relief le rescue teams hai inringa a sie dingin an hrietir bawk a nih.

Class-XII Marksheet June 2 a inthawk

IMPHAL: Council of Higher Secondary Education, Manipur hnuoia Higher Secondary Examination, 2017 original marksheet chu June 2, 2017 a inthawk Council Office, Imphal-ah lak tan thei le Improvement Exam tuta June, 2017 thla sung hin nei ning a ta, hi taka dinga Exam form chu June 2, 2017 a inthawka lak thei le exam form hi fill up tan thei nghal ning a tih tiin zanikhan Council of Higher Secondary Education, Manipur chun inhrietirma a siem.

Najma Heptulla chu Jamia Chancellor hmasa tak dinga ruot a nih



NEW DELHI: Manipur Governor le minority affairs minister hlui Najma Heptulla chu Jamia Millia Islamia Chancellor dinga ruot a nih. Heptulla hi varsity history-a nuhmei Chancellor hmasa tak ding a nih.

cellor Talat Ahmad chun Najma Heptulla Chancellor dinga ruot a ni thu a puong huna a hril.

CHANCHIN LAKTAWI KNLF/KNO in thusuok an siem

CCPUR: Tonglengal@ Lalmoi chu Jan 23, 2017 a KNLF/KNO Commander-in-Chief(C-in-C) kum khat sung thaw dinga thlang a ni a. Nisienlakhawm thla 2/3 hnungah a power, sum le pai a hmang indik naw lein C-in-C dinga dit a nita naw tiin Boithang@H.L.Kuki, Organising Secretary, KNLF/KNO chun zanikhan thusuok a siem.

CCDA in Nationwide Chemist strike an thlawp ding

CCPUR: Churachandpur Chemist & Druggist Association (CCDA) chun, May 30, 2017 nia All India Organisation of Chemist & Druggist (AIOCD) in Nationwide Chemists Strike an puong chu an thlawp ve thu an puong. Hi lei hin CCPur district sunga damdawi zawrna dawr hai chu May 30, 2017 hin an inkhar tawlding niin an hril.

e-pharmacy/online sale fethleng-a e-Portal Plan hnuoia damdawi zawr dinga thutlukna a siem dodalna AIOCD hin ni khat sung aw strike hi an thaw tum a nih.

BJP Vice President dingin

IMPHAL: BJP, Manipur Pradesh President K.Bhabananda chun BJP Manipur Vice President dingin Jyotin Waikhom le Salam Joy hai a ruot bakah Secretary dingin M.Praphullo Singh le Kh.Jibon hai a ruot. Jyotin Waikhom chu Agriculture

Minister V.Hangkhanlian ai ding le Salam Joy chu A.R.Khan aiaw ding ti an nih. Chun, M.Praphullo Singh chu Parliamentary Secretary le Sushindro ai ding le Kh.Jibon chu Parliamentary Secretary, O.Maresh Singh aiaw ding an nih.

SSA Zirtirtu han Education(S) Office an va hlukhum



IMPHAL: Zanikhan SSA Zirtirtu zatelhai chu Lamphelpat-a Directorate of Education(S) ah an va fe a, hi office hi an va hlukhum. Thawktuhai chu an hlaw pe dingin an va nawr. SSA hnuoia Zirtirtuhai hi an thla 8 hlaw pek ta lo an nih. District dang haia khawm hiengang nuorma hi a um ve tho a nih.

Sub-Divisional District Hospital-a hlangkai ding

IMPHAL: Manipur Health Minister L.Jayantakumar, PHED Minister Losii Dikho, Social Welfare & Cooperation Minister Nemcha Kipgen le State Health Official-hai chu zanikhan Senapati District-ah an inzin a, District Hospital, Senapati, Mao Community Health Centre, Kanglatongbi PHSC, Khurkhul le Sekmai Health Centre

hai ngirhmun an va en. L.Jayantakumar chun NEC sum hmangin District Hospital, Senapati-ah Trauma Centre bawl a ni ding thu, Mao Community Health Centre chu Sub-Divisional District Hospital-a hlangkai a ni ding thu le Kanglatongbi PHSC chu Primary Health Centre(PHC) a hlangkai an ni ding thu a hril.

Martyrs hai b<k an thiek

CCPUR: JACAATB le Manipur sawrkar han MoU an ziek hnunga martyrs hai ruong vuiliek a nita le inzawmin zanikhan JACAATB chun Hiangtam Lamka Community Hall bula martyrs hai kuong lem inzalna le sunna hun hmangna bukta bawla um chu an thiek dar tah.

SK-Oil Dealers han May quota khawnvartui lak thei

CCPUR: District sunga S.K. Oil Sub-Dealers hai chun Sub-Dealers Identity Card chawin Dealers hai kuomah May, 2017 thlaa mi Khawnvartui lak thei a nitah tiin M. Ginzasuan, DSO, CCPur chun inhrietirma a siem. Khawnvartui man sukpong a nita lein Sub-Dealers han litre khatah Rs. 20/- pei a ni ta ding thu DSO chun a hril.

daite Traders-ah Khawnvartui hi la thei an ta; 57-Henglep A/C hnuoia mi han M/s Pudaite Traders le M/s B.B. & Co; 58-Churachandpur a mi han M/s S. paite le M/s JHK Agency; 59-Saikaw hnuoia mi han M/s Z.T. & Co le 60-Singnat hnuoia Sub-Dealers han M/s JHK Agency a inthawk Khawnvartui hi la thei an tih. Dealers hai chu Khawnvartui a peksuok hmain Sub-Dealers hai Identity Card tha taka enfel hmasa dingin DSO/CCPur chun an hrietir bawk.

Darker 72 Manipur bandh thaw an tum

IMPHAL: June 10, 2017 chena Viva Voice result State sawrkarin a puonglang naw chun June 11, 2017 a inthawk Manipur pumpui huopin darker 72 bandh an thaw tan ding niin All Manipur Police Constable(Male/Civil)

Viva Voice completed Fresh Batch, 2016 (12 Standard) pawl chun thusuok an siem. Sawrkar tharin an pawl harsatna hrietipua Viva Voice result hi a hung puonglang vat a beisei thu hi pawla an President chun a hril.

IEDS 2 hmu a nih

IMPHAL: May 28, 2017 zan dar 9:30 vel khan Imphal-Ukhrul Road-a Lit-an hmuna Kg 7 vel ve vea rik IEDS 2 hmu a nih. Hieng IEDS pahnhai hi zani zingkar khan State Police a bomb disposal Squad le 17 Assam Rifles thangruol han pawitawk nawna ding hmuna an sukpuok.

KYKL Sergeant Major man

IMPHAL: Zanikhan 39 Assam Rifles le Thoubal District Police Commando thangruol han KYKL Self Styled Sergeant Major Recky Thoudam(32) of Thounaojam Wabagah chu an chengna in a inthawk an man. Recky Thoudam hi May 6, 2017 a Tanam Camp, Myanmar a inthaw-

ka hung suok le May 8, 2017 a IED sukpuoka 15 Infantry Battalion(TA) beituhaia laia thang vea ringhla a nih tiin Assam Rifles thusuok chun a hril. 15 infantry Battalion(TA) pawl bei an ni tum khan Sipai 2 an thi a nih. Recky Thoudam hi Thoubal District Area Commander a nih.

Thanksgiving night-workshop

CCPUR: Tuailai 1434Pro chun May 30, 2017, 6:30PM khin EBCC Hebron ah Thanksgiving Night-cum-Worship nei an ta, Rev. V. Thangkhagin, Director of Missions, EBC in Pathien thu hril a tih.

Free Online Registration an thaw pek thei ding

CCPUR: Khuga Dam-a um 6th Sikh light infantry (Khuba Batalion) pawl chun thalai kum 18-42 inkar hai ta dingin Career Counselling Cell an hawng a, a thang nuom han hi hmunga ngaven thei le Cell fethleng hin Territorial Army lakna dingah Free Online Registration an thaw pek thei ding thu an hril.

Written Exam hi July 30, 2017 a nei ding a ni a, Online Registration chu June 1, 2017 a inthawk June 30, 2017 inkar sungin www.joinindianarmy.nic.in fethleng Online Registration thaw thei ning a tih. Thu chieng lem Mobile Number 7085-839-067, 8119-019-706 le 7085-692-808 haiah indawn thei ni bawk a tih.

UZO USA in khawmpui

CCPUR: United State of America (USA) a um United Zou Organisation (UZO) chun May 27, 2017 a inthawk Zou Atlanta hmunah Zo khawmpui an nei. Hi huna hin USA a UZO block level thuoitu tum tum han thuhrlina hun an hmang ding bakah thuoitu thar ding thlangna nei an tih.

CIC in Naga framework agreement puonglang lo a remti pek



NEW DELHI: Central Information Commission (CIC) chun Union Home Ministry chu kum 2015-a sawrkar thlungpui le NSCN(IM) han peace accord an ziek Framework Agreement -a thu um hai puonglang loa cheltang a remti pek.

Framework Agreement hi National Socialist Council of Nagaland Isak-Muivah (NSCN-IM) le sawrkar thlungpui han August 3, 2015 a kha an ziek a ni a, Manipur sawrkar le a dang dang hai chun Framework agreement-ah ieng iem an Agreement" thu inziek hai kimchang tak puonglang dingan a ngen a nih.

ment chungthu hi sensitive takel a ni thu CIC a hril a, tuta puonglang a ni chun national security tawkpawi thei ding a ni thu CIC a hril a nih.

Amiruokchu, a issue hi sensitive takel, NE biela buoina nasa tak chawkuok thei thil a ni lei bakah final agreement siem a la ninaw bawk leh Indawna siemtu le sawrkar thangna hai buktawna thil thalem dinga hriet leia sawrkar thlungpuiin mitin hriet thei dinga puonglang lo hri ding a ngenna hi ram ngirhmun enin la puonglang lo le cheltang/la ipi hri dinga CIC in a remti pek a nih. (PTI)

GAS NEWS
Agency : KIM JOE
Booking : 11th. Feb., 2017 to 11th. March., 2017
Delivery: 30-05-2017 (TUE)
Time : 9AM-till stock
STOCK: 306
Commercial 19kg available
DBC/NC/UJWALA

VAWISUN THUPUI

I naupa chu sukdi la, sawldamna peng a ti che, a nih, i lungri la chun lawmna peng a ti che. Hmulawkna um nawna hmuna chun mihai an boh mang hla k, amirukochu dan vawngthatu chu a hlim a nih. - Thuvarhai 29: 17-18

Editorial

Lekha inchuknaa ei sum seng hi

Nu le pa han lekha inchukna kawnga ei sum seng hi a tam hle. Mani inhmuna inthawka school kai hai sum seng nekin tlangrama inthawka hung a, mi in hlua a school kai hai sum seng lem hi chu a tam zuol ding a ni ti chu a chieng sa a nih. Lekha inchukna dinga ei sum seng hi mei mei a ni naw. Hi lei hin lekha inchukhai hin nu le paha inrim sawl na le sum seng rawnzie hi hrietpui a, taima taka lekha inchuk hi ei mawphurna a nih ti hi ei hriet seng nuom a um. Thabo ding le ei lekha inchukna kawngaw dawngda ding ei ni nawh. Ei lekha inchukna ei inthlada a, kum tawp exam-a ei hlawsam chun nu le paha lungri hi a nah le ding a nih. Hi lei hin hlawsam lo dinga inchuklai han takchapa tia kompet meua thang ei lak tawp sup hi ei inelna ni seng sienla nuom a um.

Thla tin school fee hla k a pung deu deu a, Preparatory Class-a inchuklaihai fee khawm a tawm tak Rs. 600 a nit a a, nau 3 – 4 nei nu le paha ti ding chun thla tin school fee ringawt khawm hi phurrik a tling phak ta a nih. A tam am, a tlawm am, thla tina sum hmuna neinaw hai ta ding chun school fee pek hi thil awlsam a ni nawh. School fee chau ni lo, school fena motor fee, nitina an fakthei man ding le sengna neu heail eh lem chu sum seng hi a hung tam nuom hle a nih.

Preparatory class a inthawka class XII an zona ding chena sum seng hi cheng nuoiel a hung tling phak a nih. Lekha inchukna dinga ei sum seng, tha le zung, ngaituona lungri le ei hun seng hail eh lem chu lekha inchukna man hi a to hle a nih. Student thenkhatin hieng thil hai hi ngaituo chet chet lova an lekha inchukna an la hang ngaitua hi chu nu le pa hai ta ding chun lungri a na hle a nih. Student-hai hin nu le pa han an lekha inchukna dinga an sum seng, tha le zung bakah ngaituona lungri an seng hai pop o hi ei hrietpui a, ei lekha inchukna kawngah taimak ei insuo nauk zuol nuom a um.

Tulai hin Class-X, Class-XI le Class XII result hai a hung suok a. result tha nei hai an lawm a, result tha neilo nu le paha an lawm thei naw hi chu thil awm tak a nih. Passed le fail kar hi an hla hle ei a nih. Nitina nisa suok zuia school kai ve si a, a failed pawla hang thang bik el hi chu a ninaw deu a nih. A thiem filawr ei lo nithei naw khawma, pass na khawp bek hi chu hriet awm a nih. Failed chun sum seng a dabawl bakah hun a pamhmoi hle a nih ti hi hriet a, tuta inthawk hin inchuklai han thang ei lak takzet a tul a nih. Tulai khawvela ding chun failed hi thil inzakum le ruol ban nawna chikhat a nih ti hi hriet that ding a nih.

Class XII pasihai laia a neizo deuhai chu inchukna tha le insang lem beiseiin Manipur State puotieng an fesuok tawl a. Lawmpui an um. Amirukochu, puotienga lekha inchuka fe hai po po an hlawtling wawng naw a, a hlawtling hi a tlawm lem an ni hla k hi a pawl hle. Sum seng a tam them leiin puotienga lekha inchuka fe thei hai bek hin chu mani insung ta ding chau ni lova ram le hnam sawr thei khawpin hung hlawtling ngeihai sienla nuom a um.

State puotienga lekha inchuknaa ei sum hmang le fesuok hi a tam them hle a, inpam um khawp a tling phak a nih. Hi lei hin State puotienga lekha inchuka fe hai hin nu le pa hai sum seng le inphua thienna an hung hawn hi a awm hlie hlie a nih. Ei State puotienga lekha inchuk thei hai hin an vangnei zie le hamthat bikzie an hriet a tul baw. Khawvel hlimhlawp chen dinga fesuok an ni naw a, lekha inchuka fe an ni ti hi hriezinga an nun an zu hmang nuom a um.

ALL INDIA RADIO: CHURACHANDPUR PROGRAMME Date: May 30, 2017 (Thawleni) TRANSMISSION- FM-101.4 Megahertz

Table with columns: Hours, Studio/, Programme. Contains a schedule for All India Radio Churachandpur.

Editorial Board Lalmalsawm Sellate: Editor & Publisher Roding L. Sellate: Jt. Editor Joseph Joute: Freelance Lalsansuok Pulamte & Samuel Zothanglien@SZ Zote: Sports Lraluotlien Dulien: Computer Assistant Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

Aizawl Diary – II

-David Buhiril

Khawvel lamthuom hrang hrang ei hang paw ve a; ngai dan le hmu dan tam tak a lo um ti ei hung hmu chieng ve pei a. Mani tukvera inthawk dai bo dera ei hang tang fan lem chun, zalenna nopui dawm ang a lo ni ringawt. Eden huona ama chaua zalenna a hmang chu a hun taww naw leiin a chenpui ding Evi chu ama naku veka inthawka siem a lo ni nawk thung a. Zalenna chu ei mamaw lai zingin hmang suol khawm a lo awlzie chu phek ropui ziek tanna (Genesis) khawmin a lo ziek hrim. Mi lungnatna ding deng te le mi suklamna ding thupui ruoi thei dinga ziek ka ni naw lai zingin, ka ‘Aizawl Diary’ hmasa khan bau thlum le bau kha a dawng rawn khawp el. Zopa mansapua indén tel tawla pai puom thei a la ni tho. A keng ie. Keng tak a nih!

Tawng hi hnam thahrui pakhat a ni lai zingin Mizorama Hmar inti ve si, Zoram Khawvel ‘Jerusalem’ deltu ni baw, mani thapui innghatna khawm hre hlei thei ta lo khawpa mani tawng khawm hriet le hriet tum nachang nei ta lo an um hi chuh pawl ka ti tawp thei nawh. Mihriemin ei thluok hi zaa sawm khawm hmang phak ei tam naw lai zingin, Zohnathlak tawng hai lei hi chu ngaituona hmang meta rem khawm zung zung thei ding khawpa fie le inhnai an ni tlangpui. Zopa, Zonu ei ni ngei ti a chieng. Zau khawm ei zau; ei tawng hrang hrang hi mani tapsak zawla inthawka khawma keng vawng ei tam annawm. Tawng hrang hrang ei nei hai hi ei zepui mawitu an ni leiin a tam thei ang tak hriet rawn ding reng a nih. Tum bawk ding a nih. Sienkhawm, inti hriet naw dam hi changkangna kawitana ngai pawl dam ei um nuk chu tie! A pawl hle. Chu pa ke bula inchuk le seilien ka nina uongpui ding ka nei der nawa chu Zohnathlak tawng ka hriethai tiem sawng ka hriet po chu sawm panga a tling tep a nih. Damsung tawite sunga tawng pakhat chauh inbilingpui ngawr ngawra insuk Mizo em em hi Zohnathlak intihai thaw ding chi chu a lo ni naw tawp; ram lak ding ei hau si a. Hieng ringawt chun ei mangphan ‘Zoram Khawvel’ hi pieng ngai naw nih; indin ni naw baw a tih. ‘Mizo’ ei inti a ni lem chun ram lak lien ding zawngin ei lungri kawtkhar hawng lien a tul. Chu lungri kawtkhar le lei inper ei kei fuk lem chun ‘ram chu ei ta a nih’. Sienkhawm, kutpha bawk chauh ngaituona sungah Zoram khawvel hi inleng ngaina a um nawh.

“Hnuoi thut hi ka phum lai khan, nang khaw lai am i um a? ... Pasal takin dier kei sing la, I hriet thei chun mi hril rawh ...”, ti ang deu khan (Job 38:4) Zoram Khawvel hi Mizoramah intan a, Mizorama bawk a tawp ding ei ti a ni chun ‘thliker’ sunga bawk iengtin an ‘Zoram Khawvel’ chu indin hrim ei ta? Ei dawn chik a ngai. Chuongang chun ei lo thlier dan a ni chun, ar hmai khing tieng chauh hawn a; dai zum insakhhum a, dai puoa mihai chu an inrimna le an harsatna lipuiah maksan a, chutaka inthawk malsawm ram rim an inhnaw phak ding a la um hram chun an sik thei dan danin lo sik lem el ta raw hai se ei ti pei lem a ni chun, ei khawvel chu inhnaw sawt hling a tih. A nih, ramri vai tan zawnga lam khan ram a lo lak ta naw a, ‘Union’ hlawpui Tuivai le Tuiruong a lo vai chat nawh ti ei hriet. Sienkhawm Kanan ram lutna dinga kai thar kawng hrang hranga buotsai mek hi a puitlingna dinga thangpuitu ni neka ‘shibbolleth’ pawlisi (Rorelto 12:6) hmanga unauhai suomtu ei ni chun, ei ngirhmun chu ngaituom heng a tih.

Aizawl boruok innem tak karah Thiek, Thiak an tih, pa seng seng ‘Jerusalem’ inhmua a sap (English) tawnga inbiek ringawt khawm thil um thei a lo nih. Ka lung an hang hla k lai zing, ‘An va hang changkang de e’, lo ti hman pawl khawm an um ve tho. Ei boralna hniekhung ka liek lem am an ta ding; luok liek an ti ang deuin. ‘Hmar inti chu a pawl nawh, Hmar tawng ruok chu a tul nawh’, a hung ti nawk thung. Ka laibungpa ‘Brutus’ khawm chu a tul le tul lo ding hre mang loa, reltu ngirhmunah sie kai a lo ni der tah. Mani tawng hnawl a, Mizo inti ringawt khawm chu tim a um deu ie! Inpuia hawn lut ding nei mang loa inlek phekk ringawt khawm chu insung iengtin an del lum tang ei ta? Taliban lungri putna kawngah inhem awlsam ei tina ki khawm a tam hla k. Amirukochu,

zawna pawmawa ka ngai chu: Ei thang, hi thang hin Zoram Khawvel ei la hriet fuk ding am? Kei har ei la tum ding am? Ei kei har zo ding am? ti mawl chu a nih. Chu kara chun, China’n India la hung run a ta, an ti zer a, Zo hnathlak hai chu zalenna an mi la puongpek ding a nih tia a hung nawk ding pa ngak ni awm taka China tharum insuo lo ngak nguou pawl khawm an bang bik nawh. ‘Zoram Khawvel’ chu chuonga pieng el thei ding a ni? ti naw ruol an nawh. A sunga ram neitu dinghai har suok mang si loa, a puoa mihai zalenna puong pekna ram chu ei zalenpui tak tak thei chie dim? Ei damna ding a tling chie dim? Ei ngak a lo ni chun, a thaw dinga ei beiseihain an hung thaw chie dim? Sandamna hla k Ami thawpek sa; khawvela zalenna khawm Communist sawrkar mi thawpek ei beisei zui nawk pei a ni chun Zohnathlak hai chu an hril ‘hnam inhmang’ (Lost Tribe) an tihai leh boh mangna li-a invir buoi dinghai chu ei ni awm de aw ti naw ruol khawm an nawh. Chu mang sawng tam lem chu Manipura Zohnathlak hai lem chun ei la mang phan ve nawh. Mang hlui chu mang thar anga induong nawk a, ei Babel insawng bawlah Zohnathlak hai hmahlir ding bul thut rem tum tuhai ni hlahu ei tih ti khawm inlao a um.

Ani ngei, ‘Manipur chu in buoi lawm lawm de!’, an ti ngei. ‘Imperialism’, ‘Colonialism’ le ‘Decolonization’ tukvera inthawk wawisuna ei lamlaw invai hi ei thlier thiem ngawt naw chun Manipur chauh ni loin khawvel lien lem khawm an buoi a la tawp bik nawh. State a lo pieng el tak leia buoina nei ta lo hrim hrim ding anga ngaina ei nei lem chun fahra tak ei nih. Ei Lalpa’n Joba kuomah, ‘Thina kawtkhar an ientir ta che? Thina hlim kawtkhar i hmu ta hla k?’ (38:17) a ti ang deua ei indawn ve a t ul el ta awm de.

Inhrosak malama zeldinna puonzar kei zau a, hmahlir tak tak rawm sawna nisa liempui nawk el pawl khawm ei tam. Gawp thetin an hei cheibawl nawk lem chu a luong liem thei ding po po a liem zuoi zuoi chu a ni tak. Chuonghai chu chungchuongna hmum hlua inggai an nih. Zoram Khawvel dang le an inkei matna hrui chu inphan hle sien khawm an hril Jerusalem kepui chabi kawltu anga inggai a lien tlat leiin Zoram Khawvel litehai an luong hring thei nawna san laia pakhat chu ni mei a tih. LPS, ZOnet, Vanglaini, Aizawl Post le hmangruo dang dang haiin kaiza vengtu le zohnathlak hai keikhawm wung nina chan chang naw lem hai sien chu NGO le Political Party hai lem chun Zoram dai an ner phak ta meu nawh. Ruol thar, Adam Halliday in ‘Mizoram chu muongna’n corruption thipui ami’n hlitir a, chu chu intinal deuin kan hli a ni tak’ tiin ami hril a. Chuong kara chun Zoram khawvel chu ‘festival’ ang mei choa chei loin ‘movement’ a nei a tulzie ka chieng thar. A ni naw chun Pualreng Wildlife Sanctuary-a sahai nekin ei hlui ta naw ding a ni tlat. Sixth Schedule lem chun mi hum zo naw nih. Zoram Khawvel a ngir suokna ding chun zohnathlak hai tawng, kalchar, aidentiti, literechar le hnam ro dang dang hai humlah chauh ni loin an hring that a tul. Tuta speed-a ruok hin chu ei chahn tawl mek zing a lo ni lem.

‘Aizawlakh Aizawler’ ziekto, ruolpa Lalhruiatluanga Chawngte khawmin Mizo Academy of Letters’ buotsai Book of the Year Award a dawng a. Ka lawmpui hle. Zoram Khawvel sipai ringum le mi tak innging de a nih. Ka bengvarna zawng an naw am a ni ding, lawmpui lo ang elin, inbiek hlat remchangna bek khawm hmang nachang hre loin ka topui a. Lawm hun la um ngei a tih, ka beisei. A ni ngei, thu le hla bul thut det indo tak indinin Zoram Khawvel hmahlir phan zing chu ei mawphurna a nih. Dilpui thi mek tah sukhring dingin a chawmtu vadung kaupenghai inluong luttir tul ngei a tih. Chu ding chun Che Guevara’n a lo hril ngei: ‘Revolution is born out of culture and ideas’.

(May 27, 2017, Bethel).



Ui innagak leia inselbuoinaah pafa sunhlum

PATNA: Bihar-a Madhubani district-a chun zani hmasa khan Ui innagak ng-haw khekhhum thua insukbuoina leiin pasal kum 50 mi Bhola Sahni (50) le a naunu Arti (20) hai chu sunhlum an ni bakah Sahni naupa Pradip chu a taksa hmun tam takah a hliem leiin hospitalah enkawl mek a nih. Ei thu dawngnain a

State do zawnga ralthuom chelek hai chu that ning an tih: BJP

NEW DELHI: BJP leader pakhat chun, Jammu and Kashmir buoina chu sawrkarin a ngaimaw hle thu hrilin, stone-pelters hai inbiekpui an ninaw ding thu, sawrkarin hien-ganga chetna thawtu hai an dawinaw ding thu a hril a. State do zawnga chetna thaw le ralthuom chelek hai hrim hrim hrim chu security agencies han that an tih tiin a hril. BJP chun, Kashmir valley-a chetna thawtu hai hi Pakistan sponsored a nih ti a ringnghet bur a, hi lei hin a tukdawl dan ding security forces han an hriet a, hel hai tukdawlva kawngah free hand la nei zawm pei an tih tiin a hril baw. (ENS)

India le Fiji han MoU an ziek

Minister of Defence and National Security of Fiji Ratuinoke Kubualoa chun zannikhan new Delhi hmuna India Minister of Defence, Finance and Corporate Affairs Arun Jaitley an hmpupui a, Defence tieng-pang a bikin maritime security tiengpang thawtlang dan ding an hritlang hungin Memorandum of Understanding an ziek. MoU dungzui hin hieng ram pahni hai chun defence industry, military training le humanitarian assistance le disaster Management tiengpanga thawtlang ding an remtia a nih. Ratuinokekubualoa hi South Block hmuna Tri-Services Gourd of Honour pek



EDP ON FOOD PROCESSING INDUSTRIES TRAINING

Food Processing Training Centre, Porompat, Imphal hmuna June 19, 2017 a inthawk khin 4 weeks Entrepreneurship Development Programme on Food Processing Industries tan ning a tih. Churachandpur District le Senapati District-a mi hai ta ding training hi September 18, 2017 a inthawk October, 2017 inkar sungin nei ning a tih.

Hi Training-a thang nuom hai ta ding Training hma ni 15 la um chenh District Industries Training Centre, CCPur-ah Office hour sungin plain paper-ah hmuna lekha zieka peklut thei ning a tih tiin General Manager, DIC, CCPur chun inhrietirna a siem. Imphal West le East district-a mi hai ta ding June 19-July 15, 2017 inkar sung training nei ning a ta; Bishnupur le Thoubal district hai ta ding July 17 to August 12, 2017 inkar sung nei ning a ta; Ukhrul, Tamenglong le Chandel District a hai ta ding August 21 a inthawk September 16, 2017 inkar sungin training hi nei ning a tih.

Dailong Village Biodiversity Heritage site in



IMPHAL: Manipur sawrkar chun zanikhan Tamenglong district-a Dailong village chu Biodiversity Heritage Site in a puong. Hi le inzawma notification chu zanikhan Joint Secretary of Forest and Environment Kengoo Zuringla in an suo. Dailong Village hi sq. km. 11.35 vela lien a ni a, Section 37(1) of Biological Diversity Act, 2002 hnuoia Biodiversity Heritage Site-a puong a nih. Manipur Biodiversity Board in Heritage site-a puong dinga a recommended hnunga state sawrkarin Heritage site-a a hung puong ta a nih.

Assam CM in inquiry thaw ding Order an suo



GUWAHATI: Mizoram-a Lunglei district mi tlangval pahni Down Town University, Guwahati hmuna a thisaa hmu an nina chungthu chu inquiry thaw dingin Order an suo a, Ajay Sankar Tiwari, Principal Secretary, Education Department chu hieng student pahni hai thi nasan suidawk dingin an hrietir. Assam CM Mr Sarbananda Sonowal chun Mizoram CM Lalthan-

Sai in mi pahni a sir hlum

TEZPUR: Assam-a chun zani hmasa khan hmun hnan hnan pahni haihai Sai helin mi pahni a sir hlum. Sonitpur district official thusuokin a hril danin Rangapara hmuna Sai hel pakhatin Mr Jasim Ahmed

HC in UP minister notice a pek

ALLAHABAD: Uttar Pradesh Minister Satya Pal Singh Baghel chu Other Backward Classes (OBC) or Scheduled Castes hai ta dinga reserved assembly constituency-a inthawk MLA dinga thlangtling a nih tia intumna le inzawmin zanikhan Allahabad High Court chun inhrilfie dingin notice a pek. Mr Baghel hi tuta hmuni UP-ah BJP-a OBC front a lo inrawi hla k a, chu taka inthawk SC certificate lem hmangin hi constituents-

In kang in nufa a kang hlum

AGARTALA: Tripura state-a Hrishyamukh hmuna chun Pathienni zan khan in pakhat a inthawk thlissuon-gna LPG cylinder puokdar leiin inkang a suok a, hi taka hin nupui pakhat le a naunu (naupang) hai chu a kang hlum. Kangmei suokna in neitu

LAKTAWI

Nupui pakhat hreiin a chek hlum

LUDHIANA: Kila Rai-pur village a chun zani hmasa khan pasal pakhat Maninder Singh chun nupui kum 40 mi Sarbjit Kaur chu Hreiin a chek hlum.

Mr Maninder Singh hin hi thil a thaw zoin Police Control room an hrietir nghe nghe niin Dy. Commission Police, Ludhiana, Dhruvan Nimbly chun a hril a, tuolthattu hi Police han an man.

Hreia cheklum nupui hin Mr Maninder Singh le an khuoa nuhmei dang pakhat inggaizawng thu a hrietruk a, chu thil chu nupui hin blackmailed nain a hmang rawp leia lungsen Mr Maninder Singh hin hieng thil hi a thaw el nia hril a nih. (PTI)

Nitish Kumar in special status a ngen nawk

PATNA: Bihar Chief Minister Nitish Kumar chun Inrinni khan Prime Minister Narendra Kumar lekhatawn phek thuma sei ziekin Bihar state chu special category hnuoia sie nawk le special Assistance pe nawk dingin a ngen.

Mr Nitish Kumar chun, kum iemanichen-a inthawk khan Bihar state chun kawng tum tumah hmasawn tieng pan sienkhawm BPL, per capita income, industrialisation, social le physical infrastructure tiengpang haiah national average hnuoia um a ni leiin Bihar state hnuoia dawmsangna dingin policy framework thar a mamaw a nih tiin a hril a nih.

CBSE in grace marks a suklang naw ding

NEW DELHI: Central Board of Secondary Education (CBSE) chun pass na dinga mark khat or mark hni chau mamaw leia Grace marks a pek hai chu an marksheet-ah grace mark peka an umna a suklang sa naw ding thu a hril. CBSE chun grace marks hi suktawp a tum ta a ni a, sienkhawm Delhi High Court a hung inrawl leia tukum CBSE exam-a chun grace marks hi a la hmang sunzawm nawk a nih. (PTI)

HP CM le a nuhmei bail phal pek

NEW DELHI: Special CBI Court chun zanikhan an sum hmuosuk le immil loa hausa (disproportionate assets) case-ah Himachal Pradesh Chief Minister Virbhadra Singh, a nuhmei Pratibha Singh le midang hi case a intum hai chu baila suok a phal pek. Court chun Virbhadra Singh hi personal bond Rs. 1 lakh le hieng zat baw surety-a bail-a suok a remti pek a ni a, a passport hai thuneituhai kuta pelut dingin an hrietir bakah phalna la hmasa lovin ramdang suoksan lo dingin an hrietir a nih.

CBI in journalist thina thuah RJD leader an thuoi

NEW DELHI: May 13, 2016 a Siwan hmuna Hindi daily a thawk Journalist Rajdeo Ranjan kap hlum a nina le inzawma Ranjan nuhmei in intumna a siem dungziin CBI chun zanikhan RJD leader Shahabuddin chu Jail-a inthawk an headquarters-ah thu indawn dingin an thuoi.

Mr Shahabuddin hi Tihar jail-a intang mek a ni a, Court in thu indawn dinga thuoi phalna a pek dungziua CBI hin jail-a inthawk an headquarter tieng an thuoi a nih.

Kap hluma um Ranjan nuhmei chun RJD leader le RJD MP term 4 lo nitah Shahabuddin hin inrawl a nei tia an tum a nih. (PTI)

Partial vision Darshana in Class XII exam-ah marks 96.6 % a hmu

KRISHNAGIRI: Tu lai hmai ela CBSE hnuoia Class XII exam result suoka hlawtlingna chang hai lai kham mit thalo mit-var (spectacle) bun pum khawma power (enlienna) la hmang sa puma lekha tiem hlak Ms Darshana chun marks 96.6 percent zet a hmu phak.

Ms Darshana hi Nalanda International School, Krishnagiri a kai a ni a, ama anga mit thalo (partial

vision category) ah full marks 500 ah marks 483 lai zet hmu phakin pathumna a nih.

Ms Dharsana hi a mit wawitiengpang kuo hmu thei lo (indel) a ni a, a mit changtiengpang khawm tha chuong lo (partial vision) a nih. Ms Darshana chun thang a lak nasa hle thu a hril a, sienkhawm ama ang category-ah third position lak phak chu an beiseinaw niin a hril. (ENS)

Maoist han Jharkhand-ah Rel lampui an bomb

GIRIDIH: Maoist helpaw hai chun nikhat sung aw ding zanikhan Jarkhand-ah bandh an thaw tan a, bandh an tana inthawk sawnawte hnung zani zingkar 12:40AM vela kha Rel lampui hi bomb hmanga an bei nia hril a nih.

Amiruokchu, Rel lampui suksiet um hi zani zingkar 7:40AM vel kham siemthat zo nawk nitain Senior Divisional Commercial Manager (Dhanbad), A.K. Jha chun a hril. Hi thil tungna hmuna hin RPF tamlem tirlat an nih.

Hieng laizing hin zani ma khan Maoist chun Dumri Road-a Dhawatand hmu-nah motor an raw bawk.

an thaw tan a ni a, bandh an tana inthawk sawnawte hnung zani zingkar 12:40AM vela kha Rel lampui hi bomb hmanga an bei nia hril a nih.

Amiruokchu, Rel lampui suksiet um hi zani zingkar 7:40AM vel kham siemthat zo nawk nitain Senior Divisional Commercial Manager (Dhanbad), A.K. Jha chun a hril. Hi thil tungna hmuna hin RPF tamlem tirlat an nih.

Hieng laizing hin zani ma khan Maoist chun Dumri Road-a Dhawatand hmu-nah motor an raw bawk.

Sakei vun leh mi 4 man

RAIPUR: Chhattisgarh-a Kanker district-a chun Police han zani hmasa khan international market rate-a cheng nuoitel manhu ding Sakei vun leh mi 4 an man.

Sakei vun le mana um hai chu- Mahattam Dahivele (50), Puneet Ram Nagwanshi (45), Chhain-lal Yadav (25) le Santosh Dhruv (26) hai an ni a, Bhanuprtappur police station huomsunga um vawng an nih.

Manu um hai chun an kuta inthawka Sakei vun mana um hi international market rate-ah Rs. 25 lakh vel manhu ni an ring thu an hril a, sienkhawm Police chun a man zat ding chie an la hril thei nawh. Hi thil le inzawm hin Police chun case an registered bakah an suizui mek. (PTI)

Manu um hai chun an kuta inthawka Sakei vun mana um hi international market rate-ah Rs. 25 lakh vel manhu ni an ring thu an hril a, sienkhawm Police chun a man zat ding chie an la hril thei nawh. Hi thil le inzawm hin Police chun case an registered bakah an suizui mek. (PTI)

Bihar-ah ruosur leia thi 31 an tling tah

PATNA: Bihar a chun tulaia ruosur leia sietna dang dang tung leia mihriem thina tuok chu 31 an tling ta niin zanita sawrkar thuo-chun a hril a, thina tuok sungkuo hai kuomah

zangnadawmna Rs. 4 lakh seng pek an ni ding thu Bihar Chief Minister Nitish Kumar chun zanikhan a puong. Mr Nitish Kumar chun thina tuok sungkuo hai a sunpui thu a hril bawk.

BJP in President election-ah votes 54% hmu phak an inbeisei

NEW DELHI: President ni lai Pranab Mukherjee term a tawp ta ding leia July thlaa India President thlangna hung um dinga hin BJP inrawina hnuoia Centre-a NDA sawrkar chun an candidate thlangtling a ni ngei an ring thu le votes 54% bek hmu an inbeisei thu an hril.

President Election

hung um dinga hin Telangana Rashtra Samithi (TRS) chun NDA an thlawp ring a ni bakah AIADMK khawmin NDA candidate hi an thlawp an inbeisei a nih.

BJP chun President candidate ding la sukfel hri naw hai sienkhawm an sukfel vat ta beisei a nih. Hieng laizing hin

Congress inrawina hnuoia Opposition parties hai chun joint candidate nei thei dan ding lampui an dap zing a, BJP in party tum tum inlunguolna le dit candidate a siem naw chun BJP President candidate khingtu dinga candidate nei an tum thu tuta hma kham an lo hril ta a nih. (TNN)

WB minister in red beacon a la hmang

SILIGURI: Sawrkar thlungpuiin VIP culture sukbona dinga India ram pumpuia thenkhat tlawmte hai chau ti lo Red Beacon hmang khap sienkhawm West Bengal-a PWD minister Arup Biswas chun a motor chuhang Red Beacon an thut zanikhan hmu a nih.

Mr Arup Biswas chun, sawrkar thlungpuiin red beacon ban sienkhawm state sawrkarin a la ban naw a, central sawrkar thup-ek lo zawm ve kher tulna a la um nawh tiin a hril.

Centre chun ministers le officers lien han red beacon an hmang hi ban sienkhawm law and order enkawtu hieng police, defence le paramilitary forces hai chun red, blue le white inpawl multi-coloured bea-



con light hmang a phal pek a nih.

Thla hmasa laia Union Cabinet in VIP culture sukbona dinga red beacon lakhlak vawng dinga a lo rel a ni a, emergency vehicles hieng ambulances le fire brigade hai ti loah ministers, MLAs le officials han May 1, 2017 a inthawka kha red beacon ban na hi

hmang tan a nih.

Ban hin union ministers, chief ministers, state cabinet ministers, bureaucrats le judges of the High Court le Supreme Court hai a huom a, a huom lo hai chu President, Vice President, Prime Minister, Chief Justice of India le Lok Sabha Speaker hai chau an nih. (ANI)

Kerala Youth Congress worker 3 suspended

KOCHI: Kerala Pradesh Congress Committee chun Youth Congress leader Rijil Makkutty le midang 2 hai chu mipui hmuhawia Bawngchal an that lein a suspended.

Hi thil hi Inrinni zana kha tung a ni a, sawrkar thlungpuiin ran that dinga zaur le ran sa zaur a khap dodalna hi thil hi an thaw

ni. Congress High Command in thu a hung inhrietir dungziua hiengang buoia suksuok thei thil an thaw leia worker an ninaa inthawka suspended an nih.

Hi thil tung hin mipui sawisel a hlaw hlea, a bikin BJP chun nasa takin an dem bakah Congress Vice President Rahul Gandhi

khawmin an chet dan hi tha ti loin a dem a nih. Hi thil tung le inzawm hin Kan-nur City Police chun Rijil Makkutty le midang 2 hai chunga case an registered.

Hieng laizing hin Opposition leader Ramesh Chennithala chun, Ran that khapna order centre in an suo chu lakir dingin a ngen. (TOI)

1993 Mumbai bomb puoka final hearing June 16-ah



NEW DELHI: Terrorist and Disruptive Activities (Protection) Act (TADA) Court chunk um 1993 a Mumbai hmuna bomb sukpuokna le inzawma inrawl-na neia intum mi man hai chungthuah zanikhan hearing a nei a, final hearing chu June 16, 2017 a nei dingin a rel.

Hi bomb puoka inrawl-na neia intum hai chu- Abu Salem, Mustafa Dossa, Karimullah Sheikh, Tahir Merchant alias Tahir Taklya, Abdul Qayyum, Firoz Abdul Rashid Khan le Riyaz Siddiqui hai an nih. March 12, 1993-a Mumbai khawpui sung hmum tum tuma bomb sukpuok a ni huna kham mi 257 in thina an tuok bakah

midang 713 in hliemna an tuok a, thil chi tum tum Rs. 27 crore manhu ding zet a suksiet a nih.

Bomb puok le inzawm mi 129 chuhang chargesheet file a ni a, hi laia 100 hai chu inrawl-na neia themnaw inchangtir an nih.

September, 2006 kham mi 20 hai chu dumsung lungin intang dinga an chungthu rel a lo ni ta bakah mi 12 hai chu capital punishment pek an ni a. Kum 2013 kham mi 12 hai laia 10 capital punishment pek dinga ti hai chu dumsung lungin intang dinga hremna suknep pek nawk an nih. (AIR)

North Korea-in Scud Missile Ensin Nawk

PYONGYANG: Miin an hril rawn poleh chapo deu deu, hmuntji ral ngam, a ram sungah chu huoisin em em, nu le pa (UN) thu awi nuom thak lo, thuhnung dawn lo, mani lawmna ding chaw zawng North Korea chun intivei takin Thawtanni khan short-range missile pakhat a kap suok sin nawk tah.



South Korea official hai hril dan chun, hi missile hi Scud-class ballistic missile a nih a. Km. 450 (mel 280) vela hla, Km. 120 vela insang vuongin saktieng tuipui Japan kawm hni lai tuipui ah a tla niin a hril. North Korea chun hieng ang short-range missile, Soviet Union siem tamtak a nei nia hriet a nih.

Thawtannia a ensin missile hi kar hmasaka missile dang a ensin hlawtling pahnihai leh a pathumna a ni tah a. South Korean President Moon a tling hnunga inthawka missile a ensin wavi thumna a ni tah. May 10 a President nina la tana North Korea dang tum President Moon

chun economic sanction ringawt chun North Korea a dang hne ta naw niin a hril.

South Korea Joint Chief of Staff thupesawngtu Roh Jae-cheon chun, "South Korea in North Korea policy a nei inthlangir tuma North Korea-in South an t hina le vauna dinga a thaw vawng a nih" tiin a hril a. North Korea chu a hma nekha nasa lema hrem/rek chaw nih tah lovin 'a taka thilthaw' action lak a tul tah niin a hril bawk.

UN chun nuclear ralthuom le missile siem ta lo dingin a hril zinga chu pawpsa lovin 2016 a inthawk khan UN thup-ek

Korea le Japan han joint military exercise an nei hlak chu ama an beina dinga insingsatna angin a ngai tlat a nih.

White House chun hi thu hi President an hrietitir ta thu a hril a. US Pacific Command chun minute ruk vel missile a vuong thei ti a hmu a, North America kap phakna chi an nawh ti a chieng tiin a hril. UN Security Council resolution khat tak hnuoia North Korea rekhet theina dingin China leh an inrawn mek niin a hril.

US Defence Secretary Jim Mattis chun, "North Korea le indona a suok chun, khawvel mihriemin an la hmasuon ngai lo indona/sietna rapthlaktak la ning a tih" tiin CBS program "Face the Nation" ti a hril. "South Korea khawpui Seoul kap phakna ding rocket launcher le artillery canon tamtak a nei a. Mithi tam heng an tih. China, Russia hai khawm kaizap vawng a tih" tiin a hril.

PIGROW Tablet

VAWK INTHANGNA DAMDAWI

I vawk zaur hun tlingna dingin kum khat nek tam ngahk ngai tanaw nih.



AT THATNA: * PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih. * PIGROW mum hin, i vawk chu i pek tana inthawk chawl der loin an thang tir thei.

A PEK DAN DING:

* Vawk pakhatah nikhatan mum 20 (zingtieng mum 10 le zantieng mum 10) pek ding. * Box khat ah mum 600 a um a, chu chu thlakhath unga a fakzo ding a nih. * Rawt phita pek in fak awlsam an ti lem.

INCHAWK THEINAHAI:

1. Hmingi Bethel, CCPur # 8414852391 2. L.K. Screen Printing Lighthouse Lane, CCPur # 8414852391 3. Pet Care Centre, Tiddim Rd. CCPur. Order tam dan dungziin HOME DELIVERY khawm kan thaw thei.

LAWMTHU HRILNA

Hun iemanichena inthawk ta khan Pile natna ka nei a. Sawt tak tak inhnawmain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka tak-sa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkaw l a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hump inri a nih. MV Azad Phusam hi nitin 8AM-4:30PM inrang sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekrwn thei a nih.

Lawmthu hriltu, Sd/-Juliet Gangte Veng

ICSE Class X le ISC Class XII result puong

NEW DELHI: Council for the Indian School Certificate (CISE) le Indian School Certificate (ISC) chun zanikhan Class X le Class XII examinations 2017 result a puong.

Tukuma Class XII a pass percentage chu 96.47 a ni a, Class X pass percentage chu 98.53 a nih. Tukum Class X exam a hin candidates 175,299 an exam a,

Army Chief in Suu Kyi an hmupui

NEW DELHI: Myanmar rama cham mek Indian Army Chief Gen. Bipin Rawat chun zanikhan Myanmar democratic leader Ms Aung San Suu Kyi an hmupui a, an ram pahni haia defence le security tiengpanga hrat lema thawtlang dan ding an hriltlang Army Chief hi ni 4 sung cham dinga zani hmasa kha Myanmar rama inzin a ni a, senior General Min Aung Hlaing, Commander-in-Chief of Defence Services khawm an hmupui.

Israel-in Rocket Propulsion System Kap suok

TEL AVIV: Israel Defence ministry chun, missile dangna ding le kapsuok dinga hmang thei vawng, Rocket Propulsion System chu hlawtling takin an kap sin niin a hril. Hi rocket hin invengna ding multi-layer aerial defence system a nei a, Iron Dome, Arrow le David Sling, missile defence system a neihai po poa hmang thei vawng niin a hril.



Hieng ang rocket propulsion system hai hi ram hla kapna ding (long-range missile) hai kap suokna khawma hmang thei a nih a, Satellite, ballistic missile le ground-to-air missile hai khawm a kap suok or phur thei vawng a nih.

Test hi zingkar inhma taka mipui tam hmaa thaw a nih a. A result ruok chu chieng takin sawrkarin a hril nuom nawh. Israel hratna chu a thuruk a phawrlang ngai naw hi a nih. Mi thenkhatin ringdan chun surface-to-surface missile Jericho-3 ang chi ni dingin an ring. Jericho-3 hi nuclear phur intercontinental Ballistic Missile (ICBM) a nih.

Mithiem le suituhai chun, 2013 a Israel-in Rocket Propulsion System a siem le ensin kha, ICBM Jericho-3 le inzawmna nei a nih tiin an hril. Hi missile

a hung kap suoka, Israel chun a lo kap thlak vawng a nih. Tu tak hin Israel chun boruoka invengna dingin short-range missile kap thlakna Iron Dome le, khawvel atmosphere kel tienga missile hai dangtu Arrow System le, tactical ballistic missile, cruise missile, medium-to-long range missile, Km 400-300 a inthawka kap suok hai dangna David Sling hai a nei.

UN chun Iran kuomah Nuclear ralthuom le ballistic missile hai siem lo dinga thu a pek zing lai khawma helpawl Hezbollah hai thangpuiin missile hai a siem zing lein a nekha nasain khuokhir a tum a. Israel hi a target zing hlak lein Israel chun a ralthuomhai sukhangkang ve pei a tum a nih. Khawvela nuclear powered pangana a nih tah.

TUOLSUNG/IMPHAL

Tuivai leilak an siemtha

CCPUR: Mibung, Mizoram le Sinzawl, Manipur infepawna leilak chu may 27, 2017 kham Mibung YMA Branch inrawinaa mipui pungkawmin siemthata sin an thaw. Leilak siemthatna ding hin thingphek le rawpum hai hmang a ni a, hi taka sum seng hai chu Sialkal Tlang Joint Village Council in an tum a nih tiin ei thu dawngna chun a hril. Leilak hi inhawi taka hraw thei dinga siem a ni a, hmatieng peiah Tata Sumo hai chen tlan theina dinga siem an tum thu an hril. Leilak siemnaa hin Mibung a inthawk motor 5 a chuongin mi 200 vel an va thang.



Hmampum huopin bunghei tawngtairuolna an nei

CCPUR: Vaiphei In-sung Maicham Committee (VIMC) kum 7 tlingna le inzawmin May 29, 2017, 7:30AM a inthawk zantieng 2PM chen kham "Kipum Khatna Lohchin-

na Ahi" ti thupui hmangin B. Phaicham Presbyterian Church (EMP) hmuna Kohran le hnam ta dinga bungheia tawngtairuolna hun an hmang. Programm hun thuma

thein hun hmang a ni a, hun khatnaah report pekna le Maicham thilpek inhlanna hun hmang a ni a, Rev. Dr Kh. Khaizakham in Pathien thu hrilna a nei.

Greater Imphal Dec Chenah Tui Pek Vawng Ding

IMPHAL: MAHUD Minister Mr Th Shyamkumar chun, December bo hma ngeiin Greater Imphal (Mayang Imphal) Assembly constituency huom sanga sungkuohai po po kuomah tui thienglim dawn ding pek vawng hman an nih ding niin a hril.



Hi thu hi Mayang Imphal-a Water Supply Scheme thar le Market Complex bawl meka umhai Thawtanni-a a va kanna huna a hril a nih. Media hai a hril dan chun, Mayang Imphal Market Complex bawlna ding hi NEC-in ni kuma a sanction a nih a. Mayang Imphal Municipal Council hnuoiah bawlna sin hi fan nih vat tang a tih, tiin a hril.

Minister chun, NAHUD department chun, Ministry of Urban Development, Govt of India fundingna hnuoiah Water Supply Scheme thar hlenna ding hin Rs. 23 crore a sanctioned. a Tuchenin central-in Rs.9 crore a peksuok tah a. State share khawm pek suok a nih vat tah ding thu a hril baw.

Market Complex tak hi zo a nih ma chu nupui hmeruo zawr le bazaara kaihai hmang dingin temporary complex le toilet hai lo bawl a ni ding thu a hril a. Hi taka ding hin MAHUD department chun local MLA le IMC Chairperson hai la rawn a tih tiin a hril.

Hi scheme hlentu ding PHED hai chu taima taka sin thawa, a hun takah project zofel a, December 2017 bo hma ngeiin Imphal West Division huom sanga in po po tui pe seng dingin an hrietitir. Local MLA le Parliamentary Secretary Mr

Kongkham Robindro chun, Mayang Imphal Municipal Council hnuoia Ward 13 hai chun tui hmang ding huntawk an nei naw a. Hi project hin December bo hma ngeiin a sukpuiting a beisei thu a hril a. A hlawtling theina dingin kar tin ama ngeiin sin fedan enkae a ta, minister kuomah report a pek hlak ding thu a tiem.

Edn Minister-in CC Hr Sec School a sir

IMPHAL (DIPR): Education minister Mr Th Radheshyam chu Thawt anni khan Chrachand Higher Secondary School a va sir a. Sikula infrastructure hai, class room umdanhai le campus sung hmun hran hranhai a fang. Tu kum 2017 Higher Secondary Examination-a thaw tha bik, Commerce ah 4th Position la Th Loy-

angamba le Arts stream-a Position holder mi pahnhai chanchin hrilin, inchuklai thiem thei deuahi chu nasataka thangpuuin a neka tha lem an inchuk theina dingin ei thangpui hlak ding a nih, tiin a hril. Minister chun, students abikin sungkuo rethei le hnam hnuofua inthawk mihai chu hothu hai khawmin tha taka

enkawla ditsak a, midang neka ngai pawimaw lem hman hmuna enkawl ding a nih, an lekha inchuk an hlawtling ngei theina dingin tiin a hril baw. Sawrkar sikulhai sukhmasawn le sukhangtlung an nih theina dingin hotu le naupanghai thei tawpa mani hmaswn sengah an put a pawimaw thu a hril baw.

Manchester City chu Benfica goal vengtu Ederson Moraes la fel thei ding ngirhmunah an um tah

Manchester City Manager Pep Guardiola chu Benfica goal vengtu Ederson Moraes lak tumin hma a lo lak tah a. Ama ta ding hin hmun ruok khawm siem a tum mek; tuta hung tlung ding Zirtawpni khin Willy Caballero insuo dawk a ngai ding a ni baw.



thua lo hril ta reng a nih. Manchester City ta dinga a season hmasa takah trophy iengkawm an dawm naw leiin Pep Guardiola chun tuta nipui

hin inthlakuol met a tum baw. Chu le inzawm chun kum 22 mi, Monaco full back Benjamin Mendy khawm a beisei laia thang ve a nih.

Chelsea mihrang John Terry chun football a chawlsan ding le ding naw a la hrilchieng thei nawh



John Terry chun a hma-bak hun ding chieng taka a hril theina ding chun kar khat vel a la ngai ding thu a hril. Kum 20 neka chu-ong Chelsea-a a um hnungin tuta nipui hin a suoksan ta ding a nih a, kum 36 a lo ni ta baw leiin a awm thawkhat hle tho.

nemouth hai leh hrilzawm an ni zeu zeu a; chubakah USA le China tieng leh khawm hrilrik an ni baw. Anachu ama chun thutlukna fufme tak siem ding chun kar khat bek a la ngai thu a hril ve thung. Chun hril chieng hri lo ditthlang ding khawm a nei nul thu a hril sa baw.


Chelsea ta dingin wavi 717 an khel hman a, hi sung hin Premier League champion wavi 5 an ni hman a, Champion league le Europa league an lak hman el bakah FA Cup wavi 5 le League Cup wavi 3 an lak hman a nih.

Chuong lai zing chun hienga Chelsea a suoksan ding le inzawm hin Swansea, West Brom le Bour-

Ama chun, 'Ka hmabak ding hi mi dang dangin an min dawn a, tuhin ieng-

Football a chawlsan ding le ding naw la hrilchieng naw sienkhawm a nakie tieng chu Manager sin la chel ngei a ni ring a nih. Ama khawma, 'Manager ni chu ka nuom ti ka chieng,' tiin a hril.

Miranda Kerr le Billionaire Evan an Innei



LOS ANGELES: Hmangaina le inditnain kum a hriet nawh an tih a, hausakna khawmin a hriet naw a hawi. Naupang sie ta lo, nau pakhat nei tah model puitling tak, Miranda Kerr (34) chun ama neka kum riet lai zeta naupang, photo-message inthawna application Snapchat siemsuoktu Evan Spiegel (26) chu 'tiem tlat e' tiin Pathienni kham Evan hai in Los Angeles ah pasalin a lo nei tah.

"Inneina chite ti lo chun a production a ropui hle. Miranda hi a zeu tah baw a. Class a nei baw. Evan hi a hmangai/dit tak tak baw. Thil danghai khawm a ditdan ang tak vawnga siem an nih a, class neitak a nih" tiin a ziek.

In lien tak, compound lientak sanga hadamna ding hall (marquee) lien tak sanga dawn ding le fak ding chi tamtak (cocktails) leh, background ah music le hla "When You Wish Upon a Star" ti an play zing baw a. Table le chair hai puonvar vawnga inkhumin, Rose le parte chi dang danghai kil tinah cheimawituan an par sing seng baw. lengkim chu a puuin inza a phur em em a, mikhuolhai khawm inhawi an tih hle.

People magazine chun, Inneina hi mi an tam bek nawa chu a ropui hle niin a hril.

Kum 34-a upa Miranda hi kha hma kham Orlando Bloom (40) leh an innei a. Naupasal pakhat Flynn (6) an nei a. Kum 2013 kham an inthe a. Australian model Miranda chun vangei thlak takin 2014 kham New York ah Louis Vuitton dinner ah Spiegel leh an inhmu a. July 2015-in an inhuol (engaged) a, May 2017 in an innei tah a nih. Miranda le Evan hi Hollywood nupa lai chu a hausa pawl tak an nih. Forbes magazine hril dan chun, Evan Spiegel hin Pound £1.64billion a nei a. Victoria Secret model hlui Miranda hin 2015 kham £4.3million a hlaw suok phak baw.

Kourtney-in an Nauhai Scot-in a hmu Khap

LOS ANGELES: Inhawi a hmasa leh rinumna a nuhnunga, rinumna a hmasa leh inhawiin a zui hlak ti angin, Scot Disick ta ding chun, kar khat inhawi a chun chu hun sawt lem (or damsung) nun inhawi a ti nawna ding nisien a hawi khawp el, mani nauhai hmangaia, ngaia hmu chak mi a nih chun.



Partin lawr an ti ang ela nghaknu tin lawr khawma a hotel swimming pool ah hun a hmangpui lai social media ah tarlang pei a ni zing tah khawma 'sex addict' na na na chu a sim thei naw ni tah veng a tih, a sim thei chungu nawh a. An nu Kourtney Kardashian lugsenna a chawksuok pha baw a nih. Scot Disick le Kourtney Kardashian hai hi nau pathum an nei hnungin an inthea chu an lan hmu zeu zeu a, an nauhai khawm an pahnia enkawl tlang dinga inrem an nih. Amiruokchu, Cannes Film Festival ah hun dittawka an hmang ve ve hnungin Pathienni kham Kourtney chu Los Angeles a kir nawk tah a.

An pa hlui hin "a nungchang a sim naw chun" an nauhai a hmu thei ta naw ding niin a hril a nih.

Los Angeles a tlung hnung hin a naupa Reign Scot, kum 2 mi a zalpui lai, zakuochnoi chau haka, mawngbawr nam tula a sir zawnga zala, a naupa a kuo lai im tarin, an pa Scot Disick chu a nauhai a hmu ding a khap tah niin a hril.

nauhai hmu a phal ta naw thu a hrilpek.

Scot-in nunghak dang an hnelpui lai hin Kourtney khawm kum 23 chuva upa Younes Bendjima leh innel taka lawng chungu an inpawl lai hmu a nih ve a. Dem bik ding an um naw ve ve laiin, nuhmei chu nau enkawltu an ni angin a nauhai hi hum a tum niin an lang. Kar liemta sung kham Scot hin nunghak pali zet an hmpui hman a nih.

Scot-in nunghak dang an hnelpui lai hin Kourtney khawm kum 23 chuva upa Younes Bendjima leh innel taka lawng chungu an inpawl lai hmu a nih ve a. Dem bik ding an um naw ve ve laiin, nuhmei chu nau enkawltu an ni angin a nauhai hi hum a tum niin an lang. Kar liemta sung kham Scot hin nunghak pali zet an hmpui hman a nih.

RPC KTP Badminton Tournament

CCPUR: Reformed Presbyterian Church Kristien Thalai Pawl Phairam chun zani zan kham LJ Memorial Hall, Rengkai Road-ah second Badminton Tournament 2017 an fan.



Hi huna hin Upa Laldawnlien Varte, President, HYA GHQ khuolliena thangin tournament hi a hawng. Badminton Tournament a hin Unit 10 haia intahwk mi 50 an thang a, zani zan kham first round zo a ni a, hi tournament hi May 31, 2017 chen nei

ning a ta, Nilaini zan khin closing function um a ta, hi huna hin Pu Francis Songate, General Secretary, Hmar Inpu GHQ khuolliena thangin lawmman

semna nei nghal a tih.

An tournament hi a nuom taphawt uop dingin Games and Sports Organising Committee chun fielna an siem.

Fabregas chun FA Cup Final Starting Line-up a a thang naw paw a tih

Inrinni zana FA Cup Final Arsenal le Chelsea an inkhel tum kham Cesc Fabregas chu substitute-a sie a nih. Hi le inzawm hin Fabregas chun paw a ti thu le vangduoi an ti thu a hril lang. Kha zan, Arsenal laka 2-1 a an tlawm zan kham minute 61 naa khelmuola tirlut a ni chau a ni kha.



Tuta season sung Chelsea ta dingin inkhel tannaah vavi 15 char a thang a, anachu tiem lem chu an lak tho a nih. Ama chun, 'Inkhel dinga ka fit tah lai tak a na, hienga a bul hlima ka thang naw hi ka ta ding chun inzakum a nih,' tiin a hril. Chun, 'Thla iemanizat liem ta sung kham kan khel tha thawkhat hle a, inkhelmi taphawt chun inkhel rawn ei nuom seng a, chun hrat khawm ei

nuom seng. Chuonghai laia thang ve ka nih. Club-in a pawimaw ang anga hmang dingin hi lai hmuna um hi ka nih,' tiin a hril zawm. Kum 30 ni mek Fabregas chun iengkim chu Manager thutlukna a ni a, sawisel thei lem chu an naw thu a hrilsa baw. Fabregas hin kum 2014 kham Chelsea a zawm a, Antonio Conte hnuoiah wavi 37 an khel hman a nih. Kum 2005 kham Arsenal ta dingin an khel a,

FA Cup a lo dawmpui ta baw. Anachu Chelsea a maksan ding le ding naw indawna chu, 'A teu nawh, a teu nawh,' tiin a dawn. Ama baw chun, 'lengkim chu tlung thei a nih, anachu Chelsea-a hin ka hlim a mi tantuhain an mi hmanga, suok ding thu ka ngaituo ngai nawh. Anachu a chang chang Manager thutlukna hi sukdanglam thei ni sien nuom a um hlak,' tiin a hril baw.

Sweden Film "The Square" Palme de-Or Award Dawng



CANNES: Khawvela film hai inruolsiekna insangtak le inchwamawina ropuitaka ngai 'Palme de-Or Award' chu Sweden film "The Square" in a lo lak. Writer-director Ruben Ostlunds siem film hi critics hai chun "high-wire cinema" comedy le thriller a nih tiin an hril. Judge hai hotutak, Spanish film siemtu Pedro Almodovar chun, a film hi "the dictatorship of being politically correct" a nih tiin, 'Hieng ang subject (thu) hi ngaituona tamtak senga siem a tul a. Nuizat a um takzet a nih' tiin a hril. Judge danghai chu Will Smith le Jessica Chastain an nih. French movie, 1980 laia AIDS dona chanchin "Beats Per Minute" (BPM) chu Award dawng dinga ditsaktak a nia chu a pahnia niin Grand Prize inhlana a nih "Beats Per Minute" hin hringna sanhimtu 'hero tak tak' hai chanchin a tarlang a. Judge hotutak Pedro chun a chanchin a hril ringawr khawmin a miththli a hnai el niin a hril. Best Director chu "The Beguiled" director Ms Sofia Coppola inhlana a nih. A film hi 1971 a Clint

Eastwood film, American Civil War laia sipai hliem a enkawltu nuhmei pakhat le an chanchin a nih. Sofia hi nuhmei director hieng ang award dawngtu pahnia a nih tah. Pakhatna chu 1961 kuma latu Soviet Union mi Yuliya Solnetseva

Hi film "The Beguiled" le "The Killing of a Sacred Deer" haia Colin Farrell leh chang dun Nicole Kidman chu Best Actress dawng dinga ring a ni laiin a dawng tah nawh a. Anachu, ditsakna insangtaka Jury han an siem "70th Anniversary Award" inhlana a nih. Best Actress Award chu German film "In the Fade" changu Diane Kruger inhlana a nih. Nupui, a pasal bomb-a a thi hnunga a naupa naupangtak leh ngir suok tuma a beina chanchin a nih.

Best Actor award chu "You Were Never Really Here" changu, Joaquin Phoenix inhlana a nih. Beisei nei taka tu kuma thang ve, video streaming company Netflix chu, film tha deu deu pahni nominee a neia chu iengkawm la lovin kut ruokin a kir a nih. Theatre-a insuo lo film chu pawm an naw leiin.

Mary Kom in boxing a khel nawk ding



NEW DELHI: Thlathar June 20-26, 2017 inkar sunga Mongolia hmuna invitational tournament um dinga chun world champion wavi 5 lo nitah le Olympic bronze medalist M.C. Mary Kom chunk um khat chuong zet boxing khel a chwalsan hnungin 51 kg. category-ah an khel ve ding a nih.

Mary Kom hi chun, hi tournament-a 48 kg category a lut ni sienkhawm iemanichen inkhel ka chwalsan leiin practice ka mamaw leiin 51 kg category-ah inkhel ka ta, November thlaa Asian Championship a chun 48 kg. category-ah ka khel ding a nih tiin a hril.

Francisco Totti chun kum 25 hnungin Roma maksan a tih



Roma mihrang Francisco Totti chun Roma ta dinga kum 25 veng vawng an khel hnungin Pathienni kham a club ta dinga an khel nungung tak chu a lo tlung tah. Hi kum 25 sung hin Roma ta dingin wavi 786 tawp an khel hman a, a tawpna tak chu Serie A inkhel nungung tak Pathienni zana an inkhel kha a nih. Kha zan kham kum 40 mi Totti chu minute 54 naah tirlut ve a nih a, 3-2 in an hrat lem a nih. Tuhiin ama hi Roma Director a hung ni ngei ring a ni baw. Anachu hmuna danga a lan khel el thei ti thu hi chanchinbu dang dang chun an la tarlang tho. Roma ta dinga kum 25 an khel sunga inchik tlak thenkathai:

- AS Roma ta dingin wavi 786 an khel hman (Club record a nih)
- AS Roma ta dingin goal 307 a tum hman, inelna hran hranah.
- Season 25 sung tawp Serie A an khel hman. Hi hi AC Milan ta dinga inkhel hlak Paolo Maldini leh an in-ang char.
- Kum 2006-07 kham Roma ta dingin goal 32 a thun a, Serie A Golden boot le European Golden Shoe a dawng a nih.
- Roma ta dinga an khel hmasak takin kum 16 mi a nih.
- Kum 22 mi a niin AS Roma Captain a hun ni a, Serie A chanchinah Club Captain naupang tak a nih.
- Football an khel sung po po red card wavi 16 a hmu hman.

Football fans 4 chilhlum

TEGUCIGALPA: Honduras a chun Motagua le Honduras Progreso team han football championship inkhelna ding stadium tuol laia police han tear gas an kap leia football pet en tum mipui han titawng-a an innekkbuo-nah mi 4 le nu phingsung la um naute insieng lai mek hai chilhlum an ni a, midang 25 in hliemna an tuok baw. Nuhmei naupai hi na taka chil hliem a ni a, a naute pai chu a thi a, ama ruok chu hliemna tak tuorin hospital-ah enkawl mek a la nih. Football pet en dinga stadium lut tum mipui an innekkbuo nasa taluo leia stadium vengtu police officers 600 vel um han mipui hai control na dinga tear gas an kap huna hi thil hi tlung a nih.

Football inkhelnaa chun Montagua in Honduras chu 3-0 in an hne a nih. (AP)